

# ШАРКАН КОММУНА

Дуныз 5 копейка

Редакциялэн адресыз: Шаркан село, Советской ульча, райзолэн кужаез.

8-ти арзэ пста

## ТУЛЫС КИЗЕНЛЭН МЫНЭМЕЗ СЯРЫСЬ

Шарканской райисполкомлэн но ВКП(б) райкомлэн 5-ти мае 1939 аре постановленизы

Райисполкомлэн президиумез но ВКП(б) райкомлэн бюроез тулыс кизён явно не-удовлетворительно ортче шуыса пус'ё. Райзо, МТС-ёслэн директор'ёссы тулыс кизёнлэн мынэменыз лэзэнтэм ляб кивалто, кизёнэз вакчи дырын ортчытон понна но удалтонлыкэз жутон понна тулысала мускытэз использовать карыны кулэз'я уг нюр'ясько. Тракторной парк'ёс тулыс кизённ туж ляб ужало. Сосновской МТС-лэн вань трактор'ёсыз пöлысь 20 процентэз, Шарканскойлэн—30 процентэз гинэ ужаны кутскизы. Тракторной сеялкаос ужатэк сыло. Соин сэрэн районамы 5-ти маёз зерно-войёсыз 10 процентлы, техническойёсыз 2 процентлы гинэ киземын. Данакез колхоз'ёс агротехнической правилаосты нарушениос лэсьтйзы. «Ляльшур», «Трудовик», «Муш», «Андан» колхоз'ёсын протравить карымтэ кидысэн, усыямтэ зябь вылэ, сеялкаоссы луыса но кыын кизизы.

Райисполкомлэн президиумез но ВКП(б) райкомлэн бюроез нимысьтыз пус'ё, Вортчинской, Кыквинской но Казесской сельсовет'ёсын колхозник'ёс пöлын юн'ёс организоваться кариськылйзы («Красный Октябрь» колхозын но мукет'ёсаз). Сельсоветской, колхозной но бригадной бордгазет'ёс дыраз уг потало. Ужамез возматйсь доскаос уг ужало. И. Д. Ильинлэсь стахановской ужан амал'ёсэ райзо быдэс районлы достояниен өз кары. Сельсовет'ёсысь агитколлектив'ёс кулэз'я уг ужало, агитколлектив'ёслэн кивалтйсьёссы Зайнаков, Князев, Оленев Г. агитационно-массовой уж'ёслэсь самоустранихьса кариськизы.

Райисполкомлэн президиумез но ВКП(б) райкомлэн бюроез постановлять каро.

1. МТС-ёслэн директор'ёссылы Токарев но Помыткин эш'ёссы но политчастья директор'ёссы предложит кароно тракторной бригадасын трудэз умой организовать карон понна но труддисциплинаез коматон понна решительной ужрад'ёс кутыны, котькуд бригадасын ужамез возматйсь доскаос но бордгазет'ёс кылдытыны, тракторной парк'ёслэсь вис-

карытэк ужанзэс но тракторной сеялкаослэсь кык сменаен ужанзэс обеспечить карыны.

2. МТС-ёслэсь директор'ёссыз обязать кароно тракторной бригадасын нуадмись технической юрттэт сётонэз обеспечить карыны но трактор'ёссы, сеялкаоссы но плуг'ёссы мелкой текущей ремонтэз луд вылын организовать карыны.

3. Райзолэн заведующоезлы Иванов эшлы поручит кароно «Муш», «Андан» но мукет'ёсаз колхоз'ёсын агроправилаосты тйянез лэзисьёс вылэ административной взыскание наложит карыны. 8 мае 1939 аре агротехник'ёслэсь совещанизэс люкано, соослэсь саклык'ёс со шоры берыктоно, что соос кизёнлэн зечлыкэз понна, кизённ агроправилаосты быдэстён понна уг нюр'ясько но колхоз'ёсысь качественник'ёсты инструктировать уг каро шуыса.

4. Сельсовет'ёслэн колхоз'ёслэн председател'ёссылы но первичной парторганизационлэн кивалтйсьёссылы предложит кароно колхозник'ёслэсь лудэ потонзэс Чукна но обед бере вазь организовать каронэз, нуназеосы вал'ёсты лудын сюдонэз обеспечить карыны.

5. Казесской сельсоветлэн председателэзлы Наговицын эшлы но Вортчинской сельсоветлэн председателэзлы Куклин эшлы кизёнлэсь мынэмзэ контролировать карымтэзы но агротехнической правилаосты соблюдать карымтэзы понна указать кароно Наговицын но Куклин эш'ёслэсь та тырмытэ интыосты жегатскытэк палэнтны куроно.

Райисполкомлэн председателэз БУШМАКИН. ВКП(б) райкомлэн секретарез Н. СЕМАКИН.

### Тракторной брагада ужаны уг дырты

«Виль улон» колхозэ юнматэм тракторной бригада (бригадирез Курмашев) кизёнэз азинлыко быдэстыны уг малпа. Тракторной сеялкаос кызы ке ваемын, озы иксылэ на. Со дэриен чоктась-

кемын, сынэмын, кидыслэзэн шестерняосыз уг но бергало. Сошник'ёсыз но диск'ёсыз интыязы тыремын өвөл. Кизыны кутсконо ке луиз, сеялкаез тупат'яса, дырзэс быдтыса улосы. Соколов

### Кизисьесты вуз'ёсын обслуживать карон овол

Шарканской сельпо (председателэз Долганов) тулыс кизённ ужась'ёсты кулэ вуз'ёсын (тамакен, спичкаен, сахарен но мукет'ёсыныз) обслу-

живать уг кары. Складын тамак луыса но соосын колхозник'ёслэн ужан доразы вуз карон организовать карымтэ.

С. А.

## Азымынйсьес

«КИМ» колхозысь И. Д. Ильинлы алиозь существовать карись усыян амал'ёс одйг но өз кельше. Соин ик, асысьтыз усыян ужезлэсь техниказэ изучать карыса, виль амалын ужаны кутскиз. Со огназ куать валэн усыяны кутскыса, синмаськымон ужазинлык'ёс возматйз. Со нбыль нуналскын 74 гектар огназ усыяз.

\* \* \*

Та колхозысь ик тодмо луйсь стахановец, етйнлэсь удалтонлыкэз вылэ жутон понна нюр'яськись звенолэн кивалтйсьез Ефремов И. П. аслаз член'ёсыныз етйнзэ кизыса быдтйз ни.

\* \* \*

Калининлэн нимыныз нима колхозысь гырисьёс Леонтьев Захар но Леонтьев Гаврил нормазэс нуналлы быдэ 130 процентлы быдэ'яло. Озы ик нормазэс унолы ятырен быдэ'яло усыянын ужасьёс но. Тани, Наговицына Парасковья но Катавалова Александра нормазэс нуналлы быдэ 125—130 процентозь быдэ'яло.

\* \* \*

«Вукогурт» колхоз. Кык лемешной плуген гырыны норта тупатэмын 1,1 га. Гыронысь стахановец'ёс Шкляева Марфа, Шкляев Илья, Егоров Поликарп но Перовшиков нырысь нунал'ёсы ик нормазэс мултэсэн быдэ'яллызы. Али 150 процентлы нормазэс быдэ'яло

### Нбыль валэн усыя

«Красный партизан» колхозысь Фролов М. П., Ильинлэн опытез'я нбыль валэн усыяны кутскыса, нормазэс нуналлы быдэ 8 гектарлы быдэ'яло.

### Тысе культуразы кизенлэн мынэмез

(8-ти маёз, процентэн вераса)

Сельсовет'ёслэн ним'ёссы	Киземын	Инты басытэ
Шаркан	34	2
Титово	18	9
Кивар	28	3
Били	13	11
Кы	14	10
Сюрсовой	24	5
Вортчино	21	8
Мувыр	21	8
Сурон	24	5
Сосновка	22	7
Петунька	39	1
Быги	23	6
Казесс	26	4
Собино	23	6



—Эх, милем бы сыче оперативной чипеез кизён дыр'ялы!

## Проверочной испыта ниослы умой дасяськоно

Советской Союзысь вань школаосын дышеткись пинал'ёслы проверочной испытаниос ортчытыны дасяськон мынэ. Асьме районьсы школаосын но али проверочной испытаниослы кужмо дасяськон'ёс мыно. Котыкуд дышетись аслаз пинал'ёсызлэсь успеваемостьсэс вылэ жутон понна сюлмаське. Тросаз школаосын орчем темаосыз повторить карон понна но испытаниослы ортчытыны тематикаос лэстылэмын. Соосын дышеткись пинал'ёс тодматско, испытаниослы дасясько.

Нош куд-ог школаосын испытаниослы дасяськонэз кулэ ужен уг лыд'яло. Порозовской НСШ-ысь дирекция но дышетись'ёс испытаниослы дасяськонлэсь ответственностьсэ уг шодо. 28 апрелёз тросэзлэн Порозовской школаысь дышетисьёслэн повторить карыны но испытание ортчытыны тематикаос составить каремын ой вал на, нош инструкция испытаниослэн кутскемзылэсь 20 нунал азьвыл дышеткись пинал'ёс тематикаосын тодматскыны кулэ вал ни. Озы ик испытаниослы расписаниос лэстылэмын овёл, ассистент'ёс но назначить карылэмын овёл, куд'ёсыз али ик класслэн уженыз интересоваться карыськыны, отдельной дышеткись пинал'ёсты изучать карыны кулэ вал ни.

Вань кылем дырез испытаниослы дасяськон борды использовать кароно. Орчем темаосыз повторять карыны тематикаос составлять кароно, чтобы программаез ляб усвоить карем дышеткись пинал'ёс повторить карыса сое умой мед валалозы. Али ик испытанилы тематикаос лэстыно но соосын вань дышеткисьёсты тодматскытоно. Проверочной испытаниослы орччтон понна ассистент'ёс назначить кароно, чтыбы соос мед быгатозы дышетисьёслэн но класслэн уженызы тодматскыны.

РОНО-лэн школьной инспекторез Неганов.

## Внутриколхозной переходящей горд знамя понна нюр'ясько

„Рассвет“ колхозын кизыны кутсконлэн нырысь нунал'ёс аз ик бригадаос но колхозник'ёс кустын чошаткыса ужаны кутскизы. Куиньметй бригада (бригадирез Запасов С.) кизёнын нырысетй инты басьтэ. Та бригада колхозысь переходящей знамяез возе. Гырысьёс Егоров Илья, Запасова Харитина но Васильев Иван нормазэс 1,3 гектар интые 1,7—1,9 гектар быдэс'яло.

Озы ик 1-тй но 4-тй бригадаын кидыс ворттйсь Тетерин М, (со ик кизе но) нормазэ 120—130 процентлы быдэс'я.

Колхозын нуналлы быдэстенгазета потэ, горд пул'ёс, съод пул'ёс но ужамез быдэс'ямез возьматысь доскаос умой ужало.

Правление стахановец'ёсты премировать карыны 500 манет коньдон вис'яз.

Спиридонов

Ворошиловлэн нимыныз нимамама колхозысь куиньметй бригадаысь звеньевик Наговицын Егор комсомолец колхозник'ёс пёлын агитационно-массовой уж нуэ. Ачиз со колхозник'ёслы пример возьматыса ужа, нормазэ 170 процентлы быдэс'я. Баранов.

\* \* \*

Петуныка сельсоветысь „Пахарь“ колхоз 4 маёз 30 процентлы тулыс кизёнез быдэстйз ни. 100 гектар зерновой культураос но 152 гектар клевер киземын.

Агитатор'ёс кизисьёс пёлын беседаос ортчыт'яло. Бусыын 2 номер бордгазет поттэмын ни.

«Двигатель» колхозын но колхозник'ёс чошаткыса ужало. Вахрушев.



Л. П. Берия.

## Агитационно-массовой ужез паськыт волмытоно

Колхозной агитатор'ёс азын та дыре туж бадзымесь уж'ёс сыло. Соос колхозник'ёслы но колхозницаослы валэк'яно луо исторической с'ездпэсь решениоссэ, международной положениез но мукет'ёссэ. Агитатор'ёс та вакытэ уката но раз'яснительной ужнуоно луо кизисьёс пёлын, гырысьёс но мукет ужасьёс пёлын.

Агитационно-массовой ужын вань мылкыдынызы ужало агитатор'ёс П. Перовишников („Вукогурт“ колхоз) но Вахрушев („Светлый путь“ колхоз) Соос бусые потыса, кизисьёс пёлын с'ездовской материал'ёсты но газет'ёсысь выль ивор'ёсты лыдзыло. Бордгазет'ёс поттылыку редактор'ёслы практической юрттэт сёто.

Таин чош ик тросэз колхозной агитатор'ёс ас ужзэс өз валалэ на. Соос валэктон ужнуонлэсь палэнын уло. Тани, „Красное Знамя“ колхозысь Перовишников Михаил Филиппович туэ агитатор'ёслэн курсазы дышетскиз но, колхозэ бертыса номыр но уг ужа. Али та колхозын массовой кизён мынэ ни, Перовишников нош одйг пол но бусые потамтэ на, пыр юыса улэ. Бригадаосын бордгазет'ёс ук поттылйсько. Та выллем ик уж „Гондырвай“ но „Большевик“ колхоз'ёсын. Вис'ям агитатор'ёс нокиче уж уг нуо.

## Колхоз ужлэсь пега

Собинской сельсоветысь „Красное знамя“ колхозысь Корепанов Михаилы сельскохозяйственной уставез нарушать каремез понна ревизионной комиссилэн председателысьтыз куштэмын вал. Али Корепанов колхозын бригадирлы но председателылы но подчиняться уг карыськы, чорыгаса улэ. Никитин.

Отв. редактор П. АРИСТАРХОВ.  
Паттись РА ЙИСПОЛКОМ

## Нормаоссэс мултэсэн быдэс'яло

Сосновка сельсоветысь Кагановичлэн нимыныз нимамама колхоз 4 мае массовой кизёне потйз. Колхозник'ёс нырысь нунал'ёсы ик бадзым мылкыдын уж борды кутскизы.

Та колхозысь колхозник'ёс районьсы вань колхозник'ёс азын басьтэм обязательствоэс уж вылын быдэстон понна нюр'ясько. Кизыны потонлэн нырысь нунал'ёс аз ик Матвеев Прокопий но Прозоров Семен одйг лемехо плуген нормая 0,7 гектар гырон интые 1,12 гектар гыро. Шамаев Сергей, Русанов Степан,

Вахрушев Василий нормая 0,7 гектар интые 0,95 гектар нормаоссэс тырмыт'яло. Та колхоз 4 маёз 64 гектар зерновой культураосты кизиз ни. 4 мае колхоз етйн кизыны кутскиз.

„Табань“ колхозысь колхозник'ёс но тулыс кизёнын нормаоссэс мултэсэн быдэс'яло. Буранов Павел, Буранов Василий, Лопатин Антон гыронын одйг лемешной плуген 0,7 гектар интые 1 гектар гыро.

Титов.

Сосновской МТС

## Агитация умой пунктэмын

„Гондырвай“ колхозын тулыс кизён дыр'я агитационно-массовой уж умой пунктэмын. Воронцов (дышетись, комсомолец), колхозник'ёслы ВКП(б)-лэн XVIII с'ездэзлэсь решениоссэ валэктэ. Бригадой но колхозной стенгазетаос нуналлы быдэ поттылйсько.

Кизёнез вакчи дырын быдэстон понна колхозын бригадой горд знамя тупатэмын. Горд но съод пул'ёс умой ужало. Бригадаос бригадаен, колхозник'ёс колхозник'ёсын куспазы чошаткыса ужало.

Толшаков  
Вахрушев



ДА ЗДРАВСТВУЮТ СОВЕТСКИЕ ЛЕТЧИКИ,  
ГОРДЫЕ СОКОЛЫ НАШЕЙ РОДИНЫ  
УЧАСТНИКИ В 13-й ЛОТЕРЕЕ ИРПИТЕ ОСОАВИАХИМОВСКУЮ АВИАЦИЮ